

նյութերին կից տվել է բանասիրական ընդլայնված անոթիադրություններ, անդրադարձել տարբեր ստեղծագործությունների ժանրային առանձնահատկություններին: Ժողովրդական խաղիկների մասին, օրինակ, նա գրել է. «Քաղալուն ուրիշ բան չէ, բայց եթե բառերու հավաքածու մը, որ սահմանված է ոտանավոր ձևով: Քաղալուներով է, որ դառու-գունայի տեղ, գյուղացիք ձայնալիր եղանակով պարաշղթա մը կը խաղացնին, կը պարին»<sup>9</sup>:

Իր գրի առած բանահյուսական նյութերը Պողոս Մուրադյանը խնամքով արտագրել, ժանրային դասակարգման է ենթարկել, հավանաբար, այն հույսով, որ երբևէ կտպագրվեն. «Այս գրքույկիս դասավորությունը, որ ընտրություններ էլ, այսինքն՝ բարոյական, քնարական բանաստեղծությունը, պարերգեր, մանկական երգեր ու խաղեր, աղոթքներ ու օրհնություններ, անեծքներ, առածներ, հանելուկներ, բազում անձանց ասույթներ: Բաղդաստելով ընդ միմյանս, ավելի ուղիղ համարվածը նույնությամբ և անփոփոխ գրի առած եմ, զոր անդրանիկ աշխատությունս՝ Վնչխարք գեղջկական

գործոց» սրտիս աննյութ թելերի նվազավոր զաշնակցությամբ հայրենյացս կնվիրեմ»<sup>10</sup>:

Չնայած Մուրադյանին չհաջողվեց իր ձեռագիր ժողովածուն ամբողջությամբ հրատարակել, սակայն Տիգրան Նավասարդյանի ջանքերով նրա նյութերի մեծ մասը տպագրվեց «Հայ ժողովրդական հեքիաթների» 6-րդ (1890 թ.) և 7-րդ (1891 թ.) գրքերում:

6-րդ գրքում տպագրվել է 4 երգիծական և 1 գովառանի երգ, 38 խաղիկ, 4 պարերգ, 8 մանկական երգ, 3-ական երգ՝ աշուղ Ջաքեից, աշուղ Այտինից, 2-ը՝ աշուղ Մելքոնի երգերից և 4-ը՝ աշուղ Բաղդաստարի երգերից: 7-րդ գրքում տպագրվել է 98 առած-ասացվածք:

Պողոս Մուրադյանի թագած համեստ ժառանգությունը այսօր էլ չի կորցրել իր նշանակությունը: Նրա գրի առած բանահյուսական ստեղծագործությունները գիտական ուսումնասիրության արժեքավոր նյութեր են բանագետի, ազգագրագետի ու բարբառագետի համար:

ՍՎ. Ա. ՎԱՐԳԱՆՅԱՆ

### ԶՈՎՈՒՆԻԻ ԱՐՁԱՆԱԳՐՈՒԹՅՈՒՆՆԵՐԸ

Զովունի գյուղը (նախկինում՝ Մուլլաղասում) ապամական Նիգ գավառի մասը կազմող Ապարանի շրջանի հնագույն գյուղերից էր<sup>1</sup>, գտնվում էր Ապարանի կիրճի սկզբնամասում: Քասաղ գետի ձախ ափին, ներկայիս Ապարանի ջրամբարի ամբարտակից 1,5 կիլոմետր հյուսիս:

Զովունին հարուստ է պատմաճարտարապետական հուշարձաններով: IV—V դդ. այստեղ կառուցվել են երկու մեծ և երկու փոքր եկեղեցիներ, վաղ միջնադարյան և միջնադարյան գերեզմանատներում կանգնեցված են քանդակավարդ սյուներ, խաչքարեր, տապանաքարեր: Դրանում, ինչ խոսք, մեծ է գավառի տերերի՝ Գնթունի իշխանների ավանդը: Տեղին է նշել, որ Գնթունիների տոհմի ներկայացուցիչների անվան հետ կապված հիմնական հիշատակությունները վերաբերում են Զովունի գյուղին:

<sup>9</sup> Հնագիտության և ազգագրության ինստիտուտ, բանահյուսության արխիվ, FBI: 3077:

<sup>1</sup> 1967 թ. գյուղի տարածքը մնացել է Ապարանի ջրամբարի տակ: Այդտեղ գտնված հուշարձաններից Սուրբ Վարդանն ու Թուխ Մանուկը տեղափոխվել ու վերակառուցվել են գյուղի Արևելյան խաչեր կոչվող բարձունքում: Մյուս հուշարձանները մնացել են իրենց տեղում:

Զովունի գյուղի պատմաճարտարապետական հուշարձանների մասին գրվել են գիտական ուսումնասիրություններ ու հոդվածներ<sup>2</sup>: Նշվել է այդ հուշարձանների՝ հատկապես Պողոս-Պետրոս եկեղեցու բացառիկ դերը հայկական ճարտարապետության զարգացման փուլերի ուսումնասիրության համար<sup>3</sup>:

Զովունիում վիճագիր արձանագրությունները շատ չեն: Եկեղեցիների որմերից և մերձակայքից մենք հավաքել ենք 14 արձանագրություն:


<sup>10</sup> Նույն տեղում, 3095:

<sup>2</sup> Թ. Թորամանյան, Նյութեր հայկական ճարտարապետության պատմության, հատ. 2, Երևան, 1948, էջ 128: «Հայկական սովետական հանրագիտարան», հատ. 3, Երևան, 1977, էջ 702—703: 4. Հովհաննիսյան, ճարտարապետական հուշարձանների վերանորոգումը Սովետական Հայաստանում, Երևան, 1978, էջ 153—155: Ա. Սահինյան, Զովունիի ճարտարապետական խումբը, ՀՍՍՀ ԳԱ «Լրաբեր», (հաս. գիտ.), 1968, № 1, էջ 101—120: Վ. Պետրոսյանց, Գնթունիները՝ եկեղեցաշինարար, «Էջմիածին», 1979, ժԲ (12), էջ 46:

<sup>3</sup> Ա. Սահինյան, նշվ. աշխ., էջ 114:

Գրանցից երեքը շինարարական բնույթի են, երկուսը՝ անորոշ փակագրեր, մյուսները տապանագրեր են, ընդգրկում են VI—XIX դդ.։  
Ստորև ներկայացնում ենք մեր հավաքած վիճակագրերը՝ վերահրատարակելով նաև Գրիգոր

նշանակություն ունի ճարտարապետական կառուցողական ընդհանուր արվեստի վաղ միջնադարի նույնատիպ կառուցվածքների ծագմանը ու կազմավորման ճշմարտացի վերականգնման համար»։



Նկ. 1. Զովունի. Պողոս-Պետրոս եկեղեցի:

Գնթունու<sup>4</sup> և Դավիթ Գնթունու<sup>5</sup> հայտնի արձանագրությունները:

ՊՈՂՈՍ-ՊԵՏՐՈՍ ԵԿԵՂԵՑԻ, Այս եկեղեցին հատակագծում 9,06×14,33 մետր շափերի ուղղանկյուն դահլիճ է: Դահլիճի երկայնական պատերի երկու զույգ որմնամույթերը կրել են գմբեթը: Հուշարձանը հայկական ճարտարապետության «գմբեթավոր սրահ» տիպի առաջին օրինակն է և ստացվել է հնագույն եռանավ բազիլիկի վերակառուցումից: Այս հանգամանքը նկատի ունենալով ճարտարապետ Ա. Սահինյանը գրել է. «Անտարակույս, Զովունիի Պողոս-Պետրոս տաճարի գիտական նշանակությունը դուրս է գալիս ճարտարապետական ազգային արվեստի շրջանակներից: Այն չքմիածնի, Տեկորի, Դվինի տիպի հանգուցային հուշարձանների նման վերարտադրելով հայ դասական ճարտարապետության կազմավորման ամենակական մի քանի փուլերը, որոշակի

եկեղեցու հյուսիսային պատի որմնամույթերից առաջինի վրա փորագրված է (գծ. 1).

- 1 Ք[րիստո]ս ա[ստուա]ծ յիշեա
- 2 գԳրիգոր Գն-
- 3 րունեաց տէր:

Արձանագրության տառածեղերը թույլ են տալիս այն թվագրել VI դարի սկզբով: Գիտնականները կարծում են, որ եռանավ բազիլիկը վերակառուցելի և գմբեթավոր սրահի է վերածել այս Գրիգոր Գնթունին:

Եկեղեցու վերակառուցման ժամանակ հյուսիսային և հարավային պատերի որմնամույթերի վրա փորագրվել է մի փակագիր (գծ. 2ա, 2բ, 2գ, 2դ, 2ե), որը վերծանվում է Գրիգոր: Շարքի վերջին փակագիրը (2ե) փորագրված է դիտիվայր:

XIX դարի վերջին եկեղեցին վերջին անգամ վերակառուցվել է: Արևելյան կողմում ավելացվել է արսիղը, նորոգվել, փայտով ծածկվել է աղոթասրահը: Այս շրջանին են վերաբերում հարավային կողմի դուռն և կորին և խորանի վեր-

<sup>4</sup> Ղ. Ա ի շ ա ն, Այրարատ, Վենետիկ, 1901, էջ 248:

<sup>5</sup> Գ. Ղ ա ֆ ա դ ա Ր յ ա ն, Դվին քաղաքը և նրա պեղումները, Երևան, 1952, էջ 245:

<sup>6</sup> Ա. Ս ա հ ի ն յ ա ն, նշվ. աշխ., էջ 114:

նամասում փորագրված արձանագրությունները (գծ. 3-4): Երկրորդ արձանագրությունը՝ 2ԱԳ0, նույնպես մնում է անորոշ:

Եկեղեցու վերակառուցման (VI-VII դդ.) ժամանակներից պահպանված որմնամույթերի վրա առկա է վարպետի նշանը (գծ. 4ա), որը մենք նկատել ենք բոլոր 8 որմնամույթերի վրա: Դրանց թիվը հասնում է մեկ տասնյակի: Թուխ Մանուկը միանավ, պայտածև արսիդով, կղմինդրե ծածկով շինություն է: Կառուցվել է VI դարում, սկզբնապես տեղական տուֆի բավական խոշոր


տառածեղերից ելնելով, տապանագիրը թվագրել է VI դարի առաջին քառորդով:

Կափարիչի վրա փորագրված է (գծ. 7).

- 1 Այս է հանգիստ Գ-
- 2 արթի Գրքունե-
- 3 ազ, տ[եառ]ն ուրդ[յ] վաս-
- 4 ալա բարեպա[շտի]:

Սուրբ Վարդան եկեղեցին քանդելիս, հյուսիսային որմնախարսխի վրա գտնվեց VI դարի տապանաքար, որի վրա արձանագրված է (գծ. 8).

- 1 Այս տապան. նեԱՅՎԻՆՆ ԱՅ
- 2 Գնրուեոյն է:



նկ. 2.


սրբատաշ քարերով: XIX դարի կեսերին նորոգվել է, քանդված պատերը լրացվել են աճելի մանր քարերով, թաղակապ ծածկը փոխարինվել է հողե տանիքով: Եկեղեցու նորոգումը 1862 թ. իրականացրել են Մահտեսի Հակոբն ու իր որդի Սարգիսը: Ահա նրանց արձանագրությունը (գծ. 5), որը փորագրված է եկեղեցու հյուսիսային պատին, դրսից.

- 1 Ս[ուր]բ մատուռս Թուխ
- 2 Մանուկայ նորոգեաց
- 3 Մահտեսի Յակոբ եւ որդին
- 4 իւր Սարգիս 1862 ամի
- 5 եւ կծառայեն սմա:

ՀԻՇԱՏԱԿԱԳՐՈՒԹՅՈՒՆ ԽԱՉՔԱՐԻ ՎՐԱ: Խաչքարը գտնվում է Սուրբ Վարդան եկեղեցու դամբարանային հատվածում, մեջտեղից կիսված է, պահպանվել է միայն վերին մասը: Արձանագրությունը փորագրված է խաչքարի ճակատին (գծ. 6).

- 1 ... բա[րեխաւ]ս է խաչ[ս] Ծ...ուրին:
- Թվ[իւն] Ռեթ (1600):

ՏԱՊԱՆԱԳՐԵՐ: Զովունիի կիրճի անմատչելի ժայռերից մեկի խոռոչում գտնված գերեզմանի կափարիչի արձանագրությունից պարզվում է, որ այդտեղ թաղված է Դավիթ Գնթունին: Վաստակաշատ վիմագետ Կարո Ղաֆաղարյանը,



նկ. 3.

XVI դարի վերջին Զովունիում ապրել և ստեղծագործել է քարգործ վարպետ Հանեսը (գուռե Հովհաննես): Նրա աշխատանքներից մեր օրերն են հասել մոտ մեկ տասնյակ տապանաքարեր, որոնք գտնվում են Զովունիի և նրա շրջակա Ղուշիճ, Մռավյան գյուղերի հին

7 Կ. Ղաֆաղարյան, Դվին քաղաքը և նրա պեղումները, էջ 245:

8 Հանեսի պատրաստած հնագույն տապանաքարը գտնվում է Ղուշի գյուղի գերեզմանոցում: Նրա վրա փորագրված պատկերը շափազանց հետաքրքիր է. մի գույգ լծկան եղևնի քաշում են արորը, որի ետևից քայլում են երկու հողագործներ: Աշխատանքային այս պատկերը հնագույններից է Հայաստանում: Տապանաքարի վրա արձանագրված է. Թվ[իւն] Ռեթ (1598) ԵՍ ՀԱՆ[է]Ս ՇԻՆԷՑԻ / Ս[ՈՒՐ]Բ ԽԱՉՔԱՐԷԽԱԿԱՍ / ԳԻՐԻՔՈՐԻՆ: Գրիպորի տապանաքարի ձախ կողմում գտնվում է Հանեսի պատրաստած մեկ ուրիշ տապանաքար, որի վրա արձանագրված է. Ս[ՈՒՐ]Բ ԽԱՉՔԱՐԷԽԱԿԱՍ [է] ՈՎ/ԱՆԻՍԻՆ: Վերջինից մի փոքր հարավ գտնվող տապանաքարի վրա Հանեսը փորագրել է. ՏէՐ ՊԵ[ՏՐ]ՈՍ: ԽԱՉՔԱՍ ԶՆՈՒՐ-ՆԱՅ / Ա[ՍՏՈՒԱ]Ս:

գերեզմանատներում: Հանեսի զարդաքանդակներն աչքի են ընկնում նրբությամբ, փորագրելու վարպետությամբ, օգտագործված պատկերները չեն կրկնվում: Հանեսը փոքր տարածության վարպետ է, նրա պատրաստած տապանաքարերից միայն երկուսն են շահերով մեծ: Զոփունի գյուղի գերեզմանոցում գտնվող Օվանեսի տապանաքարը Հանեսի լավագույն աշխատանքներից է: Տապանաքարի վրա պատկերված է աշխատանքային տեսարան՝ դարբին, որը աջ ձեռքին պահում է մի երկար ձող, իսկ ձախ ձեռքին՝ մուրճ: Արձանագրությունը փորագրված է տապանաքարի երկու կողմերին և հյուսիսային ճակատին: Աճա այն (գծ. 9).

- 1 Ս[ուր]բ իաչս բաւէխա[ւ]ս [է]
- 2 տ[է]ր Ովանէսին
- 3 իւր [ն]նշէցէլովն:
- 4 Թվ[իւն] Ռեւ (1599) Հանէսն:

Հանեսի ձեռագրի կատարելությունը թույլ է տալիս նրա անունն արժանիորեն դասել հայ քարգործ վարպետների շարքը:

1604 թ. Շահ-Արասը Արարատյան աշխարհի բնակչությանը քչեց Պարսկաստան գերության: Բնակչությանից դատարկվեց նաև Ապարանի շրջանը<sup>9</sup>: Սակայն շատ կարճ ժամանակից հետո Զոփունի գյուղը կրկին վերակենդանանում է, բնակչությունը ստվարանում: Դարի երկրորդ կեսին կատարված թաղումների թիվը հարյուրից անցնում է: Սակայն այդ շրջանի տապանաքարերից միայն հինգն ունեն արձանագրություններ:

Երկվեք տապանաքարերից մեկի վրա պատկերված է հանգուցյալը: Նա աջ ձեռքով բարձրացրել է սափորը: Սափորի ձախ կողմում փորագրված է (գծ. 11).

- 1 Այս է հանգիստ
- 2 Վիրարին:

<sup>9</sup> Առաքել վարդապետ Դավրիժեցի, Պատմութիւն, Վաղարշապատ, 1884, էջ 38:

3 Թվ[իւն] ՌճԴ (1655):

Երկու սալանման տապանաքարերի վրա փորագրված է (գծ. 10, 12).

- ա) 1 Այս է տապան
- 2 նն ..րիումա: Հ-
- 3 անգեալ քվ[իւն]
- 4 ՌճԻԲ (1674):

- բ) 1 Այս է տա-
- 2 պան Նավա-
- 3 սարդին: Թվ[իւն]
- 4 ՌճԼԱ (1682):

Օրորոցաձև տապանաքարի արևմտյան ճակատին փորագրված է (գծ. 13).

- 1 Այս է տապան առն
- 2 քաչի եւ բազմաջան
- 3 հողագործի, որ անու-
- 4 ամբ Վարդանն ասի:
- 5 Թվ[իւն] ՌճԼ (1681):

Այս արձանագրությունից երևում է, որ Վարդանը քաջ տղամարդ լինելուց բացի նաև բազմաջան հողագործ է եղել: Պետք է նշենք, որ հրատարակված շուրջ տասը հազար հայերեն վիճագիր արձանագրություններից սա առայժմ միակն է, որտեղ օգտագործված է հողագործ տերմինը:

Այս շարքի վերջին արձանագրությունը թվագրված չէ, բայց տապանաքարի գտնվելու տեղը, տառաձևերը թույլ են տալիս ասելու, որ ժամանակակից է նախորդներին: Աճա այդ տապանագիրը (գծ. 14).

1 Այս [է] տու[ն]ս Սի Բէ:

Արձանագրության վերջին երկու բառերը դժվարանում ենք որևէ կերպ բացել, բայց համոզված կարելի է ասել, որ դրանք հանգուցյալի անվան հապավումն են:

Վ. Մ. ՊԵՏՐՈՍՅԱՆՑ